



www.BibleForChildren.org




Joni 14



Atrenkeno tmagu'amo'a kna osino, Anumzamofonte
tamentinti nehuta, anahu kna huta Nagrite'ene
tamentinti hiho. Nenfa nompina rama'a hunaraginte
nona me'ne, omne'neresina Nagra ko tamasmusine,
Nagra, nonkuma tmia ome retro hunaku nevue.



Nagrama vu'na nonkuma tmi ome retro hutesu'na,
ete e'na eme tmaresugeta, Nagrama umnisure,
tamagra Nagrane umani'gahaze.



Nagra Joni'na neramafu'na Anumzamofu
kumaku'ma knama enerita Jisasinte'ma
kazigazi huta magoka nevumo'na,

navre'za ti amunompi
Patmosie nehaza




mopa, me' nere
ome nante'naze.



Na'ankure Anumzamofu kereku'ene, Jisasi
agenkema huama'ma nehua zanku anara
hu'naze.



Anage nehige'na ame hu'na nagra avamupi mni'nena
koana, mona kumapina kini tra me'negeno, mago'mo
ana kini tratera mni'nege'na ke'noe.




Hanki maka' zama tro huzmantege' za zamasimu
ante' za monafine, mopafine mopamofo agu'afi
mni'naza zgamo'zane, hagerimpi
mani'naza zgamo'za, nentahuge' za
anage hu'za, Kini trate'ma mani'
nemo'ene sipisipi anentamo'a
asomu'ene ra agine, kegvamahu
hanavemo'a,
Znagrite
mevava hugahie
hu'za hu'naze.




Anantera kogeno Ruotge hu'nea rankumara e'i
kasefa Jerusalemo, Anumzamofontegati mona atreno
eramino, a'mo'ma vema erinaku'ma retro'ma huno
eaza huno e'ne. Anantera antahugeno kini tratetira,
ranke huno anage hu'ne, keho, Anumzamofo mono
nomo


'a vahe' ene
nemaniankiza,
Agra zamagrane
nemanisigeno,
Agri vea zmagra
nemanisageno,
Anumzamo Agra'a
zamagri amu'nompina
manigahie.



Anantera ankeromo'a mago ra tina avu sese huno
klasigna hu'nea asimu eri tina naveri higena kogeno,
Anumzamofone Sipisipi anentamofa kini trapinti
hanatino ne-eno, ana rankumamofa amunompi
nevigeno, ana timofa ruga raga ankenarega asimu eri
zafa me'nenono, mago'mago ikantera rga rentetere
nehie.



Hanki ana rankumamofona zgemo ene ikamo' enena
remsa huontene. Na' ankure Anumzamofa msamo
remsa nehigeno, Sipisipi anentamo' a ana kumamofa
lamu tavikna huno remsa hu'ne.



Hagi pehena zane, havi anumzante mono hunente'za,
havigema nehaza vahe'mo'za, ana kumapina
uofretfa hugahaze.


Hianagi Sipisipi
anentamofo asimu eri
avontafe'afima,
zmagima me'nenimo'
zage ana kumapina
ufregahaze.




Ana nehuno maka zmavunura eri homu
huzmante vgaresigeno, mago'ene
fri'zana omnenkeno, zmasunku huza
zavima atezana omnena, zmatama
krizana omnenigeno, ese'ma me'nea
zantamina omnegahie.




Ana kumapina magore huno zmazeri havizama hu'zana
omnena, Anumzamofone, Sipisipi anentamofone kuni
tramoke'za me'nena, kazokzo eri'za vahe'amo'za
monora huntegahaze. Ana vahe'moza Agri
avugosa negenageno,
Agri agimo'a kokovi
zmire megahie.



Anantera fri'naza vahe zmagogeno, zmagi me'nea
vahe'ene, zmagi omne'nea vahe'mo'za, keaga refkoku
trate otinageno, avontafe tamina eri vakarentene,
magora asimu eri avontafeki, fri'naza vahe'mo'za
zamagrama hu'naza zmavuzmavama
krente'nea avontafe tamimpinti refko
hunezmantegena ke'noe. Hanki
izano agima asimu eri
avontafepima kre
ontenesimofona,
mate vuno teve tirupi
atregahie.



Hagi Avamu'ene, Sipisipi anentate'ma vema
erinakuma nehimo'a eno nehaku, ama nanekema
nentahisimo'enena, eno hina, tinkuma avenesinimo'a
eno hina, mizama'a omne asimu eri tinkuma
avenesinimo'a, amane emerino.



Anumzamo tusiza huno mopafi vaheku
avesi nezmanteno, magoke ante'nea
Ne'mofavre'a zami'ne. Agrite
zamentinti hanamo'za fananne
osu'za manivava
hugahaze.



Romu 3:23

Na'ankure maka'mota kumi huta Anumzamofu hanave'ane kumapina umanigara osuta, atupa hu'nonane.

Romu 6:23

Na'ankure kumimofu mizana fri'zane. Hu'neanagi Anumzamofu muse'zana, Kraisi Jisasi Rantimofompi mago'za hunterompge, amne manivava asimura tamine.

Hibru 9:27

Hu'negu vahe'mofonku'ma hunteneana, magoke zupa fritesuno'a kegagarera otigahie huno huntene.

Efesasi 2:8,9 Na'ankure tamentinti nehzagu asuntgiramanteno tamaza huno tamavre'ne. Tamagra'a knare'za hu'nanaza zante anara osu'neanki Anumzamo museza (gift) tami'ne. Eri'za eri'nea mizana omnene, e'igu mago vahe'mo'a, agra'a agi erisaga osugahie.



Romu 10:9,10

Hagi tamagra'ma tamagipinti huama huta Jisasi'a Ramo'e nehutma, Anumzamo fripinti Jisasina azeri oti'ne huta tamagu'areti tamentinti hanageno'a, tmaguvazigahie. Na'ankure tamagu'areti tamentinti hazageno, Anumzamo'a fatgo vahere nehigeta, tamaginuti huama nehazageno, tamahokera nehie.

Joni 3:16,17

Anumzamo tusiza huno mopafi vaheku avesi nezmanteno, magoke ante'nea Ne'mofavre'a zami'ne. Agrite zamentinti hanamo'za fananne osu'za manivava hugahaze. Na'ankure Anumzamo Mofavre'a huntengono ama mopafima e'neana, mopafi vahe refko hinogu huntengono ome'ne. Hagi Agripinkati vahe'mo'za zamagu'vazizana erisaze huno huntengono erami'ne.



1 Joni 5:11-13

Hagi amazamo huama hu'ne, Anumzamo'a manivava asimura tami'ne, ana asimura Nemofo Jisas Kraisimpi me'ne. Hagi iza'o Nemofo Jisasi Kraisima avare'nenimo, ana manivava asimura eri'ne. Iza'o Anumzamofomo favrema ovare'nenimo'a, ana asimura e'ori'ne. Nagrama ama nanekema negroana, izago Anumzamofomo Nemofo agire'ma kamentinti nehamoka, ko ana manivava asimura eri'nane.



Joni 14; 2 Korinti 5;
Revalesen-Hufo Hu'ne 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Kamano Bible (kbq) © 2014, Wycliffe Bible Translators,
Inc. All rights reserved.

<https://www.bible.com/en-GB/bible/3544/GEN.1.KBQ>

©2024 Bible for Children, Inc.

www.M1914.org

www.bibleforchildren.org

